

بازار ابرتسی فی ۱۴ ربیع الآخر سنه ۱۳۲۸ و فی ۱۲ نیسان سنه ۱۳۲۶

جمعیت علمیة اسلامیہ نك ناشر افکاریدر

مدیر مسئول :
مکتب نواب معلم لرندن
کلیسی منیر

سر محرر :
فاتح مجیز درس عام لرندن
نوقاد مبعوثی
مصطفی صبری

صاحب امتیاز :
فاتح مجیز درس عام لرندن
استانبول مبعوثی
مصطفی عاصم

مندرجات

ادبیات :	تاریخ اسلام محققین طاهر المولوی
دیباچی ع . عاطف	طہر دہ ایراد اولئیں برنطق مصطفی صبری
نظیرہ طاهر المولوی	اسلامدہ عسکرلک ع . عاطف
تاریخ عباس لطفی	نصح منہ طاهر المولوی
ردی علی مافی التول الجید من الردی مصطفی صبری	خواجہ عبدالحق حاضر تاریخ بندنامہ سندن «
	استبداد، مال حسین حازم

نسخہ سی ۱ غروشددر

آبونه اجرتی (پوستہ اجرتیہ برابر در)

ممالک اجتبیہ ایچون :
۶۰ ، ۱۲ فرانق
۳۰ ، ۶ «

استانبول و ولایات ایچون :
برسنہ لکی ۶۰ غروش
القی آلمنی ۳۰ «


درج ایدنمان اوراق اعادہ اولئماز

قارئلر مزہ :

اکثر مقالانہ آیات کریمہ و احادیث نبویہ درج ایدلش بولندینی نظر اعتبارہ آلہرق رعایتہ نزلکده بولامامسی رجا اولنور

در سعادت

طپن مطبعہ سنده طبع اولنشددر



پازار ایرتسی کونلری نشر اولنور دینی ، ادبی ، سیاسی وفنی هفته لق غزته در .

نَارِیْجُ اسْمَاءَ صَحَابَتِنَا

ما بعد

آب نآب خوشکوارى نبوضات الیه کبی لاینتطع بر
صورتده جارى اولان اوچاه معلانك غیبوتی . اعالمی
مکدنی آبار بعیده دن سوجلبنه ووداها سو کرالر ی داخل بلده ده
قویولر حفرینه مضطرب براقشیدی . ایام سائرده قیت
قناعت اداره ایدیله بیلن بوسولر . زمان حجده کی غلبه لکه
کفایت ایتهدیکندن کرک قاعد . کرک وارد بر چوق
کیمسهر صوسزاقدن یقینی چکیورحتی اکثری تشنه آب
اولارق قیزغین قوملر اوزرینه سربلیوردی .

جد رسالتآب جناب (قعی بن کلاب) ریاست قریشی
احراز ایدینجه اک اول بو احتیاجی نظر دفته آلاق
(سقایت) وظیفه سنی احداث ایله ایفاسنی تعهد ایلهدی .
اولجه کتیرتدک حرم شریف داخلنده قیربالر وطولوملرله
بیریکدیردیکی صولردن موسم حجده زمرد تشنه کانه حیات
بخش اولدی ، بعد بعد بو وظیفه ، عبدالمطابک عهدده
کفایتنه کچدی . اوده خدمت مودوعه سنی حسن صورتله
ایفا و موجود قویولردن طاشتیدینی صولرله تشنه لبان

براقبال متزاید ایله قدر و اعتباری متصاعد بولونان
عبدالمطابک ، عادتاً اظهار کرامت قیلندن کومستردیکی بر
موفقیته اوزرینه . برقات ده ا عزو رفعته نائل اولدی که
بوموفقیته ، چاه زمزمک حفرینه تشنه بی و حسن نتیجه
استحصال ایلهمه سی ایدی .

— حفر زمزم —

سلسله مقالتمزک برنده کومستردیکی وجهله (بنو
خزاعه) طرفندن مقهور و ترک دیاره مجبور اولان جرهمیلر .
زمزم قیوسنی قاپامش ویرینی بلیرسزایدردک صاووشمش
اولدقلرندن هزمه جبرائیل و یادکار اسماعیل بولونان او ،
بئر لطیف روح کبی نظرلردن نهان قالمش و کیده رک دین
ابراهم مثالی غیابه الجب نسیانه دالمشیدی .

حرمی ازوایه باشلادی . او وقتلر شهر مکه ایله جوارنده (رم ، خم ، حفر ، طوی ، بذر ، سجله ، سقیه ، ام احراء ، سنبله ، غمر) نامنده قویولر واردی که (رم) ایله (خم) اجداد کرام بیغم بریدن (مره بن کعب) و (کلاب بن مره) ، (حفر) ایسه (حذیفه بن غانم) طرفندن قازدیرلمش اولوب اوچیده خارج مکده ایدی .

(طوی) یی (عبدشمس بن عبد مناف) ، (بذری) (هاشم بن عبد مناف) حفر ایتدیرمش اولوب برنجیسی الان (ذی طوی) ده نیان محله موجود ، ایکنجیسینک (خدمه) طاغنده واقع (شعب ابی طالب) میدانده بولوندیغی مروی ایسه ده الحاله هذه مفقوددر .

(سجله) (مطعم بن عدی بن نوفل بن عبدمناف) ک قویوسی اولوب (اسد بن هاشم) دن صاتین آندیغی ، زمزم شریفک ظهورندن سوکرا (بنی هاشم) طرفندن (مطعم) ه بخش ایدلدیکی روایت اولونور .

(حفر) - خارج مکده اولان دکل - (امیه بن عبدشمس) ، (سقیه) (بنو اسد بن عبدالمزی) ، (ام احراء) (بنو عبد الدار) ، (سنبله) (بنو جحججبا) ، (غمر) (بنو سهم) طرفندن قازدیرلمش قویولر اولدیغی سویله نیرسه ده هربری مندرس و منطمس اولمشلردر .

وتما که اراده الهیه بر زمزمک مظهر انکشاف و اهالی مکهنک ریان آب صاف اولماسنی اقتضا ایتدی غیوبتندن تخمیناً بش یوز سنه سوکرا او ، چاه مبارکک حفری عبدالمطابه رؤیاسنده امر ایدلدی .

بوامرک کینیتی حضرت علیدن مقول و «عبدالمطلب دیمشدی که :

برکون حجرده (داخل حطیمده) اویومشدم ، رؤیامده بری کلوب (طیبه یی قاز) دیدی . (طیبه نه در ؟) دییه صوردم . بیراقدی کیتدی . ایرتسی کونی ینه اورایه کیدوب یاتدم . رؤیامده ینه او ، کلوب (بره یی قاز) دیدی .

(بره نه در ؟) دییه صوردم . بیراقدی کیتدی . ایرتسی کونی ینه اورایه کیدوب یاتدم . رؤیامده ینه او ، کلوب (مضنونه یی قاز) دیدی . (مضنونه نه در ؟) دییه صوردم . بیراقدی کیتدی . ایرتسی کونی ینه اورایه کیدوب یاتدم . رؤیامده ینه او ، کلوب (زمزمی قاز) دیدی . (زمزم نه در ؟) دییه صورونجه (زمزم بر قویودر که صوی بیتمز و آزالماز . اونکله حجاجی سقی ایدرسک . اشکویه مزحرفاتی ایله قان آراسنده ، آلاجه بر قارغه نک غاغاسله وقارینجه لک کثرتله بولوندیغی محله در . جوانی ویردی . معناسه اولمق اوزره کتب سیرده «عن علی بن ابی طالب رضی الله عنه و کرم الله وجهه قال قال عبدالمطلب : انی لنائم فی الحجر اذ اتانی آت فقال : احفر طیبه . نقلت : وما طیبه ؟ فذهب و ترکنی . فلما کان الغد رجعت الی مضجعی ، فنمت فیہ . فجاءنی وقال : احفر بره . نقلت : وما بره ؟ فذهب و ترکنی . فلما کان الغد رجعت الی مضجعی . فنمت فیہ . فجاءنی وقال : احفر المضنونه . نقلت : وما المضنونه ؟ فذهب و ترکنی . فلما کان الغد رجعت الی مضجعی ، فنمت فیہ . فجاءنی وقال : احفر زمزم ، نقلت وما زمزم ؟ قال : لاتزف ولا تزیم ، نسق الحجاج الاعظم . وهی بین القرت والیم . عند نقره الغراب الاعصم ، عند قرية النمل . » فقراتیلر روایت ایدیلور .

مابعدی وار
طاهر المولوی

طشرده ایراد اولمش برنطقدن ۱۰۰

مجلس مبعوثان عثمانی نک برنجی دوره اجتماعیه سی ختام بولدقندن سوکره ایکنجی اجتماعه قدر دوام ایده جک اولان تعطیل اثناسنده هر مبعوث ، دائرة انتخابیه سنی زیارت ایدرک اجتماع آتی مذاکراتی ایچون احتیاجات